

林正躬
編輯

清國史略

三

特31

710

275

331

三册 號架國

共三本



清國史略卷二

明治九年圖書局交付

世祖章皇帝諱福臨太宗第九子也母康和太

皇太后以崇德成寅正月三十日生此及誕太

之不見如是者數矣衆皆大異之又誕之前夕

有紅光繞身之祥

主也太后受置膝上其人忽不見既寤以語太

宗太宗欣然曰是異祥子孫昌大之兆也次日

生而神靈志量非常天日之表龍鳳之姿稍長

嗜書史

順治元年正月命沙爾祐達統官兵征瓦爾喀
 ○李自成僭號於西安稱王國號順改元永昌
 設大學士以下官封其黨劉宗敏等為侯伯馳
 檄遠近指斥明帝明帝集廷臣廷議欲親征決
 戰○二月遣官祭孔子廟春秋祭以聖今後為例○三月
 戊申禮部議定攝政王及諸王貝勒等儀仗○
 大學士希福奏言先帝特命臣等譯遼金元三
 史芟削繁冗繕寫成冊以進○是時李自成陷
 京師明帝出登萬歲山望南城烽火徹天歎息

譯遼金元
三史

明帝縊於
山亭

曰苦我民耳遂命分送太子劍擊長公主令皇
 后自盡翌日昧爽內城陷鳴鐘集百官無至者
 帝復登山書衣襟為詔曰朕涼德賴躬上于天
 咎下誤諸臣朕無面目見祖宗自去冠冕以髮
 覆面任賊分裂勿傷百姓一人以帛縊於山亭
 太監王承恩從死尚書倪元璐侍郎李邦彥等
 皆死之○四月命攝政睿親王為奉命大將軍
 率師收明山海關外地并經畧中原明吳三桂
 遣副將楊坤來致書乞降王報書告戮力討流

賊意三桂復遣郭雲龍來致書書曰接王來書

遠救民伐暴扶弱除強色震天地其所以相助者寔為我先帝而三桂感戴猶其小也三桂承

王諭即發精銳于山海以西要處誘賊速來王速整虎旅直入山海首尾夾攻逆賊可擒東西

可傳檄王得書即星夜進發至山海關吳三桂而定

出迎王大喜設儀仗吹螺三桂率屬官謁王令

其軍士各以白布係肩為號以別辨漢人三桂

先行入關清軍奮擊偕大敗賊眾賊首尾不相

顧遁走北京獲駝馬緞帛無算乃進吳三桂為

平西王賜玉帶蟒袍鞍馬等物○五月師至燕

吳三桂屬清軍

明福王立南京

京明文武官員出迎以鹵簿御輦陳城外啓王

乘輦王曰予法周公輔冲王不當乘輦眾懇請

聽之乘輦入武英殿眾官皆拜伏呼萬歲百姓

安堵秋毫無犯乃奏捷于盛京頒示朝鮮蒙古

時京北京東諸府皆降惟京南保定等府潰賊

土寇蠶起而山東河南聞自成敗竄復為明並

殺其偽防禦使牧令明福王由榔方擁立南京

改元宏光○攝政王諭明官員耆老兵民曰今

令民人等皆為崇德帝服喪三日以展輿情以

禮葬崇德帝后及熹宗懿安后既除服後官民俱遵制薙髮乃諭兵部曰予前日因歸順之民無所分別故令薙髮以標異於國民今聞甚拂民心及非予以文教定民之本心矣自後東髮各任其情○六月遣肅親王豪格往定山東河南遣都統葉臣等往定山西又命戶部侍郎王永鰲招諭之永鰲言重兵萃京畿需饟不億請擇畿南及山東河南要地分兵控鎮俟秋高進剿闖賊就近調度可北扼潼關南扼武關從之

○戶科右給事劉昌啓十事立規模審廟算推誠心集群策施實惠定經賦定官制頒俸祿明等威重守令各有條理嘉納焉○徵故明馮詮詮聞命即至優予冠服鞍馬銀幣令以大學士原銜入內院佐理機務初詮與崔呈秀李魯生等並諂事忠賢至雖婦女小兒無不知其奸至是同大學士謝陞等議定郊社宗廟樂章○七月攝政王致書於明督師大學士史可法

其書云予向在潘京即知燕山物望咸推司馬及入關破賊與都人士相接見識介弟於清班曾托其手

勒平安，奉期表緒，何時得達？此聞道路紛々多，
 謂金陵有自立主者，夫君父之仇，不共戴天，春
 秋之義，有賊不討，則故君不得安葬，新君不得
 即位，所以防亂臣賊子，法至嚴也。聞賊李自成
 稱兵犯關，手毒君親，中國臣民，不聞加遺一矢，
 平西親王吳三桂，介在東陲，獨效包胥之哭，朝
 廷感其忠義，念累世之夙好，棄近日之小嫌，嚴
 整銳旅，驅馳梟獍，入京之日，首崇懷宗帝后，謚
 號卜葬，山陵悉如典禮，親親王將軍以下，仍故
 封號，不加改削，勳戚文臣，咸在朝列，恩典有加，
 耕市不驚，秋毫無犯，方擬天氣秋爽，遣將西征，
 傳檄江南，聯兵河朔，陳師鞠旅，戮力同心，以報
 爾君父之仇，彰我朝廷之德，豈意南州諸君子，
 苟安且夕，不審事機，聊慕虛名，頓忘寔害，予甚
 惑之。夫國家之定，燕都乃得之，於闖賊而非得
 之於明朝也。賊毀明朝之廟，主辱及先王，國家
 不憚征繕之勞，悉索救賊，代為雪耻，萬世仁人
 君子，何以報德耶？乃乘寇替誅王師，暫息即欲

雄據江南，坐享漁人之樂，豈可謂江淮以為天
 整之憑，遂不能飛渡也？况闖賊但為明朝寇，慝
 未嘗得罪於國家，徒以薄海同仇，特伸大義，今
 若擁稱尊號，便是天有二日，復為勦敵，予將簡
 西征之銳卒，轉旆東征，且擬釋彼重誅，命為前
 導，夫以中華全力，受制潢池，而欲以江左一隅
 兼支大國，勝負之數，無待著龜，兵予聞君子之
 愛人也，以德負人，則以姑息諸君子果識時，知
 命切念，故主厚愛賢王，且勸令削號歸藩，永綏
 福位，朝廷當待以真賞，盛承禮物，帶礪山河，位
 在諸侯，王上庶不負朝廷，仲義討賊，興滅繼絕，
 之初，心也。至於南州諸君子，責然來儀，則爾公
 爾侯，列爵分土，有平西王之典，例在惟執事，寔
 圖維之，晚近士大夫好高，樹名不顧國家之急，
 每有大事，輒相策，舍昔宋人議論未定，兵已渡
 河，可為殷鑒。先生領袖名流，主持至計，必能貫
 察始終，寧忍隨俗浮沉，取舍從違，應早審定，兵
 行在即，可東可西，西南國安危在此，一舉願諸君

子同以討賊為心無貪瞬息之榮致令故國有
 無窮之禍為私臣賊子所笑予尚有厚望焉記
 有之惟善人能受盡言故敢布腹心佇聞可法
 名教江天在望延政為勞書不盡言
 報書不屈其書云南中自接好音隨遣使訊於
 草莽也誠以大夫無私交春秋之義今倥偬之
 際捧琬琰之章真不啻從天而降也諷讀再三
 慙慙致意若以逆成尚稽天討為貴國憂法且
 感且愧懼左右不察謂南國臣民偷安江左頌
 忘君父之仇故為殿下一詳陳之主也我大行皇帝
 敬天法祖勅政愛民真堯舜之主也以庸臣悞
 國有三月十九日之事法待罪南樞救援無及
 師次江上凶信突來地拆天崩川枯海竭嗟呼
 人孰無君雖肆法於市朝以為泄々者戒奚足
 慰先帝於地下哉爾時南中臣民哀慟如喪考
 妣無不拊膺切齒愿悉東南之甲立剪凶仇而
 二三老臣謂國破君亡宗社為重相與迎立今

上以擊中外人心今上非他神宗之孫光宗猶
 子大行皇帝兄也名正言順天與人歸五月朔
 日駕臨南都萬姓夾道歡呼聲聞數里群臣勸
 進今上退然不自勝謙讓再三僅允監國迨臣
 民伏闕屢請始於十五日進位南都從前鳳集
 河清瑞應非一即告廟之日紫氣如蓋祝文外
 霄萬目共瞻欣傳盛事大江湧出拊梓數萬助
 修宮殿是豈非天意哉越數日遂命法視師江
 北刻日西征忽傳我大將軍吳三桂備兵貴國
 破走逆成殿下入都為我先帝后發喪成禮掃
 清宮殿撫輯群黎且免薙髮之令亦不忘本朝
 此舉動也振古鏢今凡為大明臣子無不長跪
 地而頂禮加額豈但如明諭所云感恩圖報已
 哉謹於八月薄賚金幣遣使犒師請命鴻臚連
 兵西討是以王師既發復次江淮乃辱明諭引
 春秋大義來相詰責善哉推而言之此又為列
 國君薨世子應立有賊未討不忍死其君者之
 說耳若夫天下共主身殉社稷青宮皇子慘變

非常而拘牽不即位之說坐昧大一統之義中
 原鼎沸倉卒出師將何以維繫人心號召忠義
 紫陽綱目踵事春秋其間特書莽移漢祚光武
 中興丕廢山陽照烈踐祚懷愍亡國晉元嗣基
 徽欽蒙塵宋高續統是皆於國仇未報之日亟
 正位號綱目未嘗斥為自立卒以正統與之至
 於玄宗幸蜀太子即位靈武議者察之亦未嘗
 不許以行權幸其光復舊物也本朝傳世十六
 正統相承自治冠帶之屬繼絕存亡仁恩遐被
 貴國夙膺封號載在盟府殿下豈不聞乎今痛
 心本朝之難而驅除亂逆可謂大義復著春秋
 音契丹和宋多輸以金繒回紇助唐原不利土
 地况貴國篤念世好兵以義動萬代瞻仰在此
 一舉若夫手足膺難并同秦越規此幅員為德
 不卒是以義始而以利終貽賊人竊笑貴國豈
 其然乎先帝軫念潢池不忍盡戮勦撫並用貽
 悞至今今上天縱聰明刻々以復仇為念廟堂
 之上和衷體國介冑之士擊楫枕戈忠義民兵

愿為國死竊以為闖賊之滅當不越於斯時矣
 語有云樹德務滋除惡務盡今賊未伏天誅捲
 土西秦方圖報復此不獨本朝不共載天之仇
 抑亦貴國除惡未盡之憂伏惟堅同仇之誼全
 始終之德合師進討問罪秦中共梟逆成之頭
 以洩數天之恨則貴國義聞于秋本朝固惟力
 是視從此兩國世通盟好傳之不窮不亦千載
 一時哉若夫牛耳之盟封本朝使臣久已載道
 不日抵燕奉盤盃以從事兵法北望陵廟無淨
 可揮身陷大戮罪應萬死所以不即從先帝者
 寔為社稷之故也傳曰竭股股之力加之以忠
 貞法履今日鞠躬致命克盡臣節所以報也殿
 下伏賜 明福王亦遣其臣左懋第陳洪範具書
 垂鑒 來通聘又以海運米十萬石銀五萬兩犒吳三
 桂軍并却之○九月車駕發盛京十月朔定都

於燕祭告天地社稷奉太祖太宗神主入太廟
 頒詔中外大赦盡除明季弊政其文臣衣冠暫
 從明制○戶科給事中郝傑上言從古帝王無
 不懋修君德首重經筵今皇上睿資凝靜學問
 正宜及時請擇端雅儒臣日講大學衍義及尚
 書典謨報曰新政侯次第舉行○十月親詣南
 郊告祭天地即皇帝位頒時憲曆以孔胤植仍
 襲封衍聖公孔子後裔 孔子六十五代孫○上大行皇帝謚曰應
 天興國弘德彰武寬溫仁聖睿皇帝○議大舉

封孔子後裔

英親王阿濟格

豫親王多鐸

討流賊恐其阻關固守或其西竄甘肅乃以英
 親王阿濟格為靖遠大將軍同三桂尚可喜等
 由大同邊外會諸古兵赴榆林延安出陝西之
 背又以豫親王多鐸為定國大將軍率孔有德
 等由河南夾攻潼關約會于西安○十二月豫
 親王多鐸奏報兵至孟津遣蘇章京土賴先率
 精兵渡黃河派賊都司黃士欣果殷將軍張有
 聲各遁去沿河諸砦皆望風歸附睢州偽總兵
 許定國王寨等各擁眾來降乃諭刑部都察院

曰自流賊作亂以來殺擄傷害以致民心洶々凡偽官投誠歸順及明朝降賊官員併土寇為亂今能改過自新者一蠲除前罪勿抱疑貳○李自成盛兵潼關遣其將劉宗敏據山為陣清軍大礮未至遣前鋒三千距關三十里掘堡為營宗敏圍之三日夜人馬寂然賊莫測所以不敢擊

三日夜入
馬寂然

順治二年春正月清兵大至自成亦出關逆戰三千騎從中起表裏夾攻大破之會大礮至遂

進偪潼關賊鑿重壕以拒乃發大礮遙擊之山谷險隘不容大眾賊以精騎數百伏隘橫衝我脅又出銳卒繞出我後皆為我奇兵及殿後兵所破而是時英王及三桂邊外軍已從保德州結筏渡河入綏德走李錦克延安鄜州偪西安之北自成腹背受敵遂棄關遁回西安守關賊馬世堯以眾七千降遂克潼關越二日至西安賊已先五日焚宮室由藍田出武關走湖廣○命豫王移師征江南以流賊付英王及三桂追

李自成腹
背受敵

謝陞卒

剽時賊尚三十餘萬聲言欲取南京清兵水陸躡其後○太子太傅吏部尚書大學士謝陞卒贈太傅廕一子賜祭葬如例謚清義○三月豫王南下之師自河南一出虎牢關一出龍門關一出南陽會于歸德府時開封汝寧間列寨百數劉洪起長之南陽列寨數十蕭應訓長之洛陽列寨亦數十李際遇長之各擁兵四五萬而洪起最忠勇屢殄流寇時明大學士馬士英方以江北分四鎮劉澤清駐淮安高傑駐瓜州黃

得功駐儀徵劉良佐駐壽春議畫淮而守無違遠畧又使降賊之故兵部尚書張縉彥總督河南山東軍務而使其姻姪越其杰巡撫河南并召還陳濟夫諸將解體及大兵南下明睢州總兵許定國誘殺高傑遂與李際遇先後納款清軍為鄉導河南諸郡邑望風悉下惟劉洪起力戰汝寧間○大學士馮銓洪承疇等上言上古帝王奠安天下必以修德勤學為首務故金世祖元世祖皆博綜典籍勤於文學至今稱頌不衰

皇上承太祖太宗之大統，聰明天縱，前代未有。今滿書已熟習，但帝王修身治人之道，盡備于六經。一日之間，天下文移殆以萬計，宜必習漢文。始上意得達而下情易通，請擇滿漢詞臣朝夕進講，則聖德日進而治化益光矣。○四月大兵道并進，一出淮北，一出淮南，如入無人之境。出淮北者，降高傑部將李成棟于徐州，敗劉澤清兵于宿遷。師次清河，澤清率步兵四萬戰船千餘，據黃淮清三河口。清兵以礮遙毀其戰艦。

滿書等熟習漢文

大兵與明督師史可法大戰

相持對岸，而今兵繞渡上游，擊敗其步騎，追至淮安。澤清及總漕田仰皆遁入海。清兵徇通州、泰州，皆下。其出淮南者，豫王自將之，由歸德趨泗州。明淮河守將李際遇焚浮橋，遁清兵夜渡。淮明督師大學士史可法督所部兵三餘萬，次河上。為高傑聲援，及高傑死，復收撫傑所部兵十餘萬于揚州。至是，將督以援泗。至中途，泗州已失守。淮揚告急，福王方手書趣其入援，拒。左良玉時防河之兵皆在外，又檄之，大半不至。而

高傑部下兵十餘萬以久無統御且偽傳許定

國引大兵報讎或北走通秦或南赴瓜儀揚城

一空初傑死衆無所屬福王命可法代統其軍馬士英忌之陰掣其肘故衆心潰渙不可

復○前此援泗之甲仗火藥糧餉數十萬皆猝

不得返揚可法獨督總兵劉肇基等兵二萬及

兵吏士民分陴拒守豫王大軍自天長六合水

陸并進拒揚州二十里而營以大礮未至也劉

肇基請乘其不備背城一戰可法謂野戰不如

馮城或請決高堰以灌清軍可法曰民為貴社

史可法死節

編巨筏置燈火放之

稷次之傷敵軍少而淮揚為魚鼈不許豫王貽

書招降再四可法不應拒守七晝夜發礮傷城

外軍數百豫王大怒令精兵大礮專攻城西北

隅城樓崩聲如雷守陴不退清兵踐城下積屍

而登遂陷兵肇基率士巷戰殺傷千餘可法死

之大軍留十日屠之而南○五月大師至揚子

江明總兵鄭鴻逵以水師守南岸侍郎楊文驄

墻金山以禦矢礮時高傑潰兵欲渡江者為岸

兵所拒皆降隔江相持三日編巨筏夜置燈火

放之中流明軍礮擊之清兵乘霧夜渡數百騎
據高阜鳴螺樹幟防江兵倉猝潰遁大軍方舟
畢濟留左翼軍據瓜州北岸為聲援遂陷鎮江
自丹陽句容抵南京營于郊壇之北而福王已
先三日率太監宮人開通濟門走蕪湖馬士英
阮大鍼亦率親兵數千由漂水走杭州而明諸
勳戚文武大臣迎降豫親王駐軍城外十日始
入城斬滿州掠物者八人以狗駐軍東北城令
居民毋徙并祠史可法以旌其忠降明廣昌劉

祠史可法
以旌其忠

良佐兵十萬高傑舊部兵十三萬遣貝勒尼堪
貝子屯齊等追福王于蕪湖明靖南侯黃得功
中源矢死總兵田雄馬得功擁福王出降江南
悉定平而英王上游追源寇之兵亦至九江之
東明左良玉等兵十萬降其軍前○六月又分
大兵之半令貝勒博洛等追明潞王常滂于杭
州狗沿途郡邑并分兵狗松江大倉下之明大
學士馬士英總兵方國安等迎戰敗走渡錢塘
江清兵營于江岸杭人見之謂潮至必沒既而

係福王凱
旋

冠 雜髮易衣

明左懋第 死節

孔聞諫上 疏沮雜髮

潮三日不至咸駭以為神閱門降七月俘福王
 凱旋命多羅貝勒勒克德渾為平南大將軍同
 都統葉臣等鎮守江南下令海內雜髮易衣冠
 ○前在清明使臣左懋第聞江南陷七日不食
 攝政王召見數之懋第不對惟請一死命雜髮
 堅不肯遂殺之題絕命詩有云峽坼巢封歸路
 賒片雲南下意如何寸丹冷魄消難盡蕩作寒
 煙總不磨○孔聞諫上疏曰臣家宗子衍聖公
 孔胤植已率四代子孫告之祖廟俱遵令雜髮

唐王聿鍵 稱帝

訖但顧先聖為典禮之宗顏曾孟三大賢輔翼
 之其定禮之大莫要于冠服章甫縫掖為萬世
 不易奕葉守之故自漢臻明制度雖各有損益
 獨臣家服制三千年未之有改今一旦變更恐
 于皇上崇儒重道之典有未悉也應蓄髮襲故
 衣冠否唯仰聖裁不聽○是夏六月唐王聿鍵
 一作稱帝于福建明太祖九世孫也世封南陽
 崇禎九年以起兵勤王擅離南陽廢為庶人錮
 高墻會赦出性率直喜詩書手草傳檄五月清

清國史略卷之三
兵渡江，南都陷，鄭鴻達奉之入閩。旋聞杭州降，與福建巡撫張肯堂、巡按御史吳春枝、禮部尚書黃道周、南安伯鄭芝龍等共會議，立之為監國王。不數日，遂勸進即位。改元隆武，改福州為天興府。○閏六月，破流賊李自成，欲取南京。水陸並進，清兵躡其後，追及於鄧州等七處，大破八次，俘自成兩叔并妻妾，又獲偽汝侯劉宗閔，賊兵力窮，入九公山。索自成急，有降卒言自成竄走，為村民所困，遂自縊死。因遣素識自成者

李自成竄走

往認其面，屍朽莫辨。○八月，戶科給事中杜立德言：治平之道有三：一曰敬天，人君為天之子，當修省以迓天休。今秦晉燕畿水旱風雹，天心示儆，不得以歲稔為常。凡闕誠布公懋德敦行，皆敬天事也。二曰法古，古者事之鑑也。書曰：監于先王成憲，其永無愆。凡建學明倫，維風善俗，皆法古事也。三曰愛人，大臣腹心，羣臣手足，百姓赤子，凡親賢納諫，尚德緩刑，皆愛人事也。三年正月，詔肅親王豪格為靖遠大將軍，同平

杜立德上言三事

西王吳三桂等征張獻忠于四川貝勒博託為
征南大將軍偕都統圖賴貝子屯齊率師征浙
東福建三月至西安時明舊副總兵孫守法郎
陽總兵王光恩等起兵興安漢中屢破流賊遂
陷鳳翔圍西安關中響應進軍漢中破賀珍等
于鷄頭關○諭各官曰本朝舉兵征伐原非無
故因萬曆年間數窘辱我國以致憤今荷天庥
得膺大寶不修舊怨禮葬崇禎追加謚號其陣
獲諸王盡皆收養不謂不知感恩圖報反妄有

孫守法手
光恩起兵

推立魯王等私匿印信將謀不軌朕不得已付
之于法其未與謀者仍加恩養○三月大兵臨
錢唐江張國維王之仁乘東南風拒戰清兵觸
之多碎國維乘間渡江犯杭城不克而退四月
清軍隔江發礮壞方國安竈國安即擁兵數萬
遁挾魯王自紹興奔台州惟諸將兵尚乘江守
江廣十余里大軍難之會夏旱水涸沙漲有沙
無潮試涉水僅及馬腹六月朔清軍士馬數萬
自上游浮濟若揭厲然列成駭潰馬阮啖國安

監國王脫
走

手之仁死

使執監國以獻監國脫走航海王之仁沉其家
拏而自歸死江寧紹興寧波溫台悉下惟朱大
典守金華張國維守義烏大軍破義烏斬國維
○八月明臣阮大鍼知金華城東南隅版築僅
成未堅導大兵礮火攻破屠之旋擒馬士英與
國安大鍼並伏誅進破衢州禽蜀王樂安王等
浙東略定遂進征福建初唐王之立于鄭氏也
閩粵兵饟盡歸其掌握唐王奮志有為而令不
行于下乃遣大學士黃道周出關募兵徒手號

擒馬士英

鄭芝龍如
習航海

召無所濟旋敗死于婺源而湖廣總兵騰蛟領
所部兵三萬屯長沙繼撫左良玉舊部馬進忠
王允成衆數萬于岳州又降李自成舊部李錦
高一功赫永忠等衆十餘萬于常德于是進騰
蛟大學士封定興伯馬進忠王允成等並分鎮
湖南北與清武昌荊州大軍相持所謂十三鎮
也○時内外文武濟々而兵餉戰守機宜專委
鄭芝龍芝龍幼習航海能諳海情凡海盜不其
故盟則門下也自就撫後海船不得鄭氏令旗

鄭芝龍落
魂之日本

不能往來每船納稅金三千歲入以千萬計芝
 龍以此富敵國自築城於安平鎮舳艦直通卧
 內其守城兵自給餉不待於官旗幟鮮明戈甲
 堅利凡賊遁入海者撤付芝龍取之如寄以故
 鄭氏貴振于七閩芝龍有子森芝龍初落魄去
 之日本娶倭婦我邦肥前平戶士
人田川氏之女生森數歲芝
 龍歸福建就撫森時年七歲風儀整秀做儻有
 大志每東向而望其母讀書穎敏不洽章句先
 輩王觀光一見謂其父曰是兒英物非而所及

國姓爺

也十五補弟子負至是年二十三陛見明帝々
 奇之撫其背曰惜無一女配卿々當盡忠吾家
 無相忘也賜姓朱改名成功封御營中軍都督
 賜尚方劍儀同駙馬自是中外稱國姓爺是年
 日本送其母○七月江西自建昌撫州破滅惟
 楊廷麟守贛募民兵二萬峒蠻四萬又奏留廣
 東入衛兵數千及中書張同敕調雲南張印選
 胡一清入援兵五千與南昌大兵戰屢捷無陷
 吉安守之軍頗振騰蛟請唐王幸湖南廷麟請

幸江西浙中諸將請幸衢州唐王以芝龍不足
恃亦欲棄閩由贛入楚倚騰蛟先遣兵部侍郎
萬元吉督師于贛遣大學士孫觀生募兵南安○
九月清軍既定福建復遣軍由惠湖贛州兩路
攻粵明兩廣總督丁魁楚廣東巡撫瞿式耜兵
部尚書呂大器湖廣總督何騰蛟巡撫堵胤錫
等復擁明桂王由榔監國肇慶旋稱帝改元永
歷○十月豫親王多鐸凱旋帝出安定門迎勞
之○定行幸迎送禮儀禁民間婦女肩輿及禁

乞丐入皇城

四年正月河南巡撫吳景道以芝草產于嵩山
表賀世祖不納却之曰政教修明時和歲豐方
為祥瑞芝草何必稱奇○三月殿試天下貢士
制策曰帝王之治天下莫不以得人為急務朕
惟真才希覩知人實難如以言貌取人慮有內
不符奸媮互異者如以薦舉進用慮有用黨援
引真實混淆者如以博學能文而中藏奸佞蒞
官污穢者在焉如何而後真才可得與爾多士

殿試天下
貢士

大清律成

務出已見逐款獻策勿用彫鏤不限長短宜明切敷對○大清律成命頒行中外○四月喀爾喀部落遣使請通好○六月琉球安南呂宋三國各遣使于明季進貢留閩未還大兵平閩執送京師招諭國王○七月冊立豫親王為輔政賜金及馬若干○八月禁佛朗西國人入省止令商人載貨下澳貿易○十月大兵至長沙破偽捻兵揚國棟馬步兵賊七千又圍祁陽殺賊七千又克寶慶斬偽魯王世子○十二月新定

禁佛蘭西人入澳

服制

五年正月禁官員房柱用朱色及間用金貼梁○靖遠大將軍肅親王率師還京○二月大軍復克辰州湖南悉平聞桂林有郝永忠營兵掠城之變騰蛟由全州還救軍復進乘之騰蛟式招合兵拒戰桂林而金聲桓李成棟之變作江西廣東皆叛附于明清軍不利遂退分耿尚々王軍赴江西孔有德班師回京留總兵徐勇守長沙○三月命固山額真譚泰為征南大將軍

金聲桓李成棟之變作江西

張氏
謀不軌

統領官兵討江西反賊金聲桓○四月吳三桂自錦州移鎮漢中○五月天津妖婦張氏假稱故明天啓后同黨王禮張天保私製玉印令旗謀不軌發覺伏誅○八月南贛巡撫劉武元奏報江西逆賊金聲桓王得仁等擁眾直犯贛界圍城三月官兵敗之圍解東明土賊偽稱天正年號糾眾數十萬圍困縣城官兵征勦敗之畿南鎮底○十月南昌糧盡告急李成棟大舉攻贛贛師乘其初至飢疲突敗之成棟走信豐○

李成棟
稱惠國公

和碩禮親王代善卒太祖第二子也○十一月廣賊李成棟妄稱惠國公始竊踞南雄勾連土賊犯贛州城撫元等大破之成棟單騎遁走六年正月命多羅敬謹郡王尼堪等帥兵往平太原諭兵部曰朕欲天下太平日夕圖維罔敢怠忽想往年流賊作亂官民偕受其屠戮禍患已極入關勦賊出斯民於水火如何通年多有不軌之徒造捏訛言煽惑愚眾以致無智之民惶惑或逃散作亂者往往有之若愚民疑團未

釋天下何時太平朕聞不嗜殺人者能一天下
 書曰衆非元后何載后非衆罔與守邦君父也
 民子也父殘其子情理之所必無意者督撫鎮
 安不得其人與有司朘削魚肉民難自存歟獨
 免賦稅有名無寔歟今嚴飭各官確議除弊興
 利長策朕將次第酌行宜曉諭天下之民○南
 昌西門守賊潛約內應清兵佯為攻東門而竒
 兵突襲西門金聲桓王得仁中矢或投水死○
 二月清軍鼓行援贛李成棟師潰于信豐成棟

江西逆賊
鎮定

大同叛將
姜瓖被斬

墜水死二賊皆滅江西復定○三月豫親王多
 鐸卒太祖武皇帝第五子年三十六攝政王次
 居庸關計至王去纓服素馳入京臨喪○七月
 攝政王率兵征大同叛將姜瓖城中食盡賊党
 斬瓖以降屠其軍民毀其城垣○諭兵部曰滿
 漢俱屬吾民原無二視之理但爾來用兵亦出
 于不得已豈可苦累良民哉今後兵行不論多
 少其糧餉芻草悉定其數不得多取若有帶軍
 器弓箭槍奪漢人者不令首從皆處斬○吳三

孔有德大勝

桂恢復延綏鎮城○十月孔有德至衡州遣兵
敗寇于燕子窩而自擊永州之寇破賊數萬曹
志建踞永州龍虎關有德分路攻圍克之降其
衆五萬

七年正月攻武岡進忠負創走武岡靖州俱復
瞿式耜使戎政總督張同敕率胡一清趙印選
王永祚諸將守全州○朝鮮國王李湜遣李士
芳表賀冬至元旦萬壽聖節並謝襲封去年六月
倭薨丹世子湜襲爵○二月謚太后曰孝端正
賜黑狐貂皮等物

日色赤如血

勿以天下
急武備

敬仁懿莊敏文皇后○三月己未日色赤如血
○諭禮部曰我朝原以武功開國歷年征討不
臣所至克捷皆資騎射今幸荷天庥得成大業
雖天下一統勿以太平而安武備尚其益習弓
馬務造精良嗣後官民不得沈湎嬉戲耽娛絲
竹若有違者即付法司治罪○六月更定滿州
王貝勒以下官吏支給俸銀和碩親王一萬兩
親王六千兩多羅
郡王四千兩多羅貝勒二千兩固山貝子
一千兩公五百兩以下各有差○先
是圍明總督杜永和守將范承恩于廣州明桂

廣州

王留李元胤守肇翔而自走梧州時廣州城外
 密列礮臺城西築木城濬三濠通海潮泥淖不
 能攻築長圍困之及此暑雨蒸溽弓弦解膠士
 卒蒸疫幾欲退師會明援將高一切與陳邦傳
 自相讐殺一切西走大軍敗陳邦傳馬寶兵萬
 餘遣吳六奇招降湖惠各鎮李元胤按兵肇慶
 不敢進○七月攝政王諭曰京城建都既經年
 多矣且地污水鹹夏月溽暑難堪仍就邊外上
 都欲為避暑之城予欲倣前代造大城恐錢糧

尚可喜奮戰

多爾袞

浩大必累民今止建一小城以便避暑庶幾不
 致苦民官民且協戮以襄厥事也○十月江西
 諸軍畢至廣州尚可喜令軍士舍騎徒步涉淖
 冒矢石奮戰毀其木柵以礮擊西北隅軍士乘
 礮勢登城屠之守將范承恩郝永忠等先後皆
 降桂主率李元胤走南寧○十二月攝政主多
 爾袞薨于喀喇城年三十九帝震悼詔臣民易
 服舉哀

禁獻柑子

西漢中，柑子報曰：陝西柑子雖甘美，但漢中去京甚遠，更累驛遞，苦沿途人民轉送，是以口腹之微，而騷擾百姓，朕心不忍，今後宜停其貢。

二月奪睿王

王攝政

追封撤廟號

王曾不令人知，竊備有八補黃

袍大東珠將謀，不軌至是發顯

○閏二月湖南賊首牛萬才投

誠○五月江西巡撫夏一鶚報奏逆首傅鼎銓

等盤踞江閩，臣調兵分路夾擊，追入福建，斬賊

萬餘級，生擒鼎銓及楊起龍等，命斬鼎銓。○都

統金礪劉之源提督田雄等會兵先剿山寨，以

除內顧，用山民為鄉導，分路進擣，四明諸山盡

破，巢穴遂棄。大霧渡海，抵螺頭門，敵軍方覺，阮

駿以火舟邀戰於橫水洋，風返焚之，人舟俱燬。

張肯堂、張名振率兵背城力戰，竟掘攻陷之，屠

其城。初名振恃海島之險，謂大兵必不能渡，先

期奉魯王，擣吳松，以綴清師。使阮駿守舟山，及

聞警回救，則城已破，乃奉魯王赴廈門去。監國

號為寓公。○六月議定八旂科舉例。○先是朱

成功攻長泰，清副將王進與中提督甘輝遇于

王進與甘輝以兩馬相當

北溪二人俱雄名聞于軍久矣念決雌雄延奮
 搃傳矢以兩馬相當輝擊則進隱之進殼則輝
 亦落之自已向午縱橫跌宕既而兩家兵至于
 是廼解進入長泰輝日夜攻克之進與數十騎
 出走郡城漳浦屬邑俱下清總兵馬逢知來援
 突入郡城朱成功圍之不下城中食盡人相食
 枕藉死者七十餘萬人清援兵大至乃解圍去
 成功久頌堅城師老糧匱乃收兵保海徵○十
 月秘書院徐必達奏古今帝王必留心聖學乃

留心聖學
 能起太平

能興起太平臣入署見所翻通鑑漸次將成雖
 治亂之迹可稽而聖學精微未能純備唯宋臣
 真德秀大學衍義于天命人情身心家國咸撮
 要領伏乞勅諭儒臣譯呈睿覽必廣格心之益
 而觀道化之成

九年正月帝避痘南苑不行慶賀禮○三月總
 督陳錦赴援戰于江東橋不利退屯同安其奴
 刺之帳中以首奔成功成功賞而斬以徇○六
 月孔有德奏臣率大師直抵賓陽粵西思南慶

橫等二十二府州縣盡入版圖○七月逆賊孫
 可望陷廣西省城定國王孔有德自縊○十月
 都統金礪援軍至屢捷成功退保海澄清兵圍
 之城壞十餘丈成功親當矢石不退一步一日
 聞空礮遽發成功曰此號砲也將薄城也下令
 皆挺巨斧以待官兵四面蟻附登城城上眾斧
 迎之隨斧隨墜濠為之平填清兵解圍去而張
 名振張煌言亦屢以餘軍入長江登金山燕子
 磯遙祭孝陵掠戰艘三百于吳淞口時成功始

逆賊孫可望

終為唐王二張始終為魯所奉不同而其交甚
 睦是時明遺臣義旅漸亡獨兩軍犄角於海上
 而成功尤雄○賊首孫可望遣劉文秀王復臣
 率馬步五萬犯西南吳三桂誘之薄城保寧城而
 奮勇橫擊賊眾大潰擒斬復臣獲象馬器械無
 算時可望據安龍忤其意者則擊斬隨之以故
 中外重足無不恟署偽職○十一月帝御五鳳
 樓召六部大臣曰頃各部通賄賂朕固知爾等
 砥廉不然然屬吏貪污亦由爾姑息不肯舉放

之故也。正以繩之，則下何敢貪污僉宜。休國厚恩，堅持忠潔，以愛養斯民。○十二月，以粵東漸定，錢糧不敷，撤靖南將軍固山額真章羅等兵回京。○是歲，天下戶口一千四百四十八萬三千余。

檢天下戶口

鄭成功不降

十年二月，命內院諸臣翻譯五經。○招撫芝龍、鴻達，皆封侯伯。成功封海澄公，令芝龍、少子世忠持父書招之。芝、豹、彩、聯等皆降，獨成功不受。○修撰麻勒吉上言曰：今屢恩詔除十惡大罪，

麻勒吉上言

一代官服自有一代之制

外皆與宥免。臣等以為赦者出于一時之喜慶，而法者所以布大信于天下也。歐陽修曰：信義行于君子，刑戮加于小人。王導曰：無赦之國，其刑必平。且從來詔赦除十惡不赦外，其斬絞流徒等罪，不過減等以示恩耳。若全赦其罪，是惡人得僥倖免死。○二月，諭禮部曰：一代官服自有一代之制。本朝定制久已，領行近見漢人冠服體式，袖口寬長多，不遵制。滿州冠服豈難倣效乎？但漢人私習尚因而恣縱，以後務宜昭準。

滿式不許異同，仍有參差不遵者，以違制究罪。

旌表孝子貞婦

○旌表孝子貞婦。○三月幸南苑。

漢官及諸詞臣皆集命

蝦員擺牙刺等探甲吹角如軍中兩戚陣列者再觀畢賜宴

○八月以和碩

公主下嫁平西王吳三桂子應熊。公主太宗皇

帝第十四女也。○十一月敬慎親王敗馬進忠

于湘潭。進忠走寶慶。大軍進敗李定國於衡州。

親王輕騎逐北，遇伏沒于陣。定國收軍保武岡，

以貝勒屯齊代領其軍。

十一年正月敗李定國兵四萬于永州。定國走

攻靖沅武岡不下，遂遁桂林。貝勒回軍遇孫可

望兵于寶慶。馮雙禮將左軍，白文選將右軍，而

可望建龍旗鼓吹居中。大兵急攻之，敗走。惟雙

禮軍不動。大兵引還。平南將軍阿爾津亦敗。文

選兵于辰州。惟沅靖武岡尚未復。○三月皇子

生，第三子也。母曰佟氏。後為康熙帝。○遼陽設

儒學。○江南海賊徐可進、朱元等降。○六月陝

西西安漢中等地大震，傾倒城垣樓舍，壓死兵

民三萬一千餘人。○設宗學，教習宗室子弟，專

康熙帝生

論鄭成功

習滿書，停習漢文。○七月冊封琉球國中山王，世子尚質為中山王。○遣書諭海澄公鄭成功，其畧曰：自古識時俊傑，過推誠待人之主，披肝効順，失忠不方，能建立事功，身名俱泰，未有猜疑，觀望可稱，識時知命者，朕承皇天眷佑，奄有萬方，海陬一隅，何難偏師戡定，但閩嶠蒼生，皆吾赤子，不忍勤兵，又念爾父芝龍投誠最早，忠順可嘉，故推恩延賞，封爾公爵，給與勅印，俾爾駐劄泉州漳惠潮四府，爾尚未剃髮，猶懷疑，豫原無歸誠實心，當明白陳說，順逆兩端，一語可決，今如剃髮歸順，則已如不歸，順爾其熟思毋貽後悔。○十一月具勅大臣會議，鄭成功屢經寬宥，遣官招撫，並無剃頭投誠之意，且寄父芝龍家書，辭語誇張，肆無

成功不降之心既炳然

訓修順治大

忌憚不投降之心既炳然，請勅督撫鎮整頓兵馬，堅守城池，勿令賊眾登岸。若遇有無間上岸者，即時發兵勦征之。○南平王尚可喜進勦李定國，定國遁去，鄭成功襲破漳郡，連陷各邑，復圍泉州，警連興化、福建，巡撫佟國器奏單弱可虞，請迅發滿州大兵，直抵廈門，與閩師首尾夾擊，庶海氛可靖矣。

十二年正月修順治大訓。○大軍連敗定國于新會，可喜結營山巔，伏兵江隘，與朱瑪喇合兵。

大軍敗定國于新會

敗賊于珊州定國復悉其精銳據山谷列礮象拒戰清勁騎突陣潰之定國亦出兵四千自巔馳下橫截清軍清軍夾擊奪其山定國且戰且走連日敗之于興業又敗之于橫州廣東州邑悉復遂移兩廣總督于梧州劉文秀亦率眾六萬戰艦千餘出川峽遣其黨盧名臣馮雙禮分犯岳州武昌為都統辰泰荆州兵被邀截文秀回舟寇常德荆州長沙兵皆赴援設伏城外俟其過半突出夾擊大敗之六戰皆捷火其戰艘

帝王敷治大教是先

斬獲無算盧名臣赴水死文秀及雙禮遁回貴陽可望使文秀守雲南時定國及文秀兩軍皆衰弱惟可望踞貴陽益跋扈擅殺從臣宗室偏辱其主于安隆自設內閣六部立太廟制朝儀桂王懼甚密使人封定國晉王文秀安南王○六月諭禮部曰朕惟帝王敷治文教是先臣子致君經術為本自明末擾亂日尋于戈學問之道闕焉未講今天下漸定朕將興文教崇經術以開太平爾內外大小各官政事之暇亦須留

逃人一事
立法過重

心學問俾德業日修識見日益佐朕右文之治
○八月以年來逃人衆多立法甚嚴使無辜之
民株連就絞斬給事中李裊上疏曰逃人一事
立法過重株連太多使海內無貧富無良賤無
官民皆惴々焉莫保其身家可為痛心者一也
法立而犯者重勢必有以逃人為奇貨縱使索
探則富家立破禍起奴婢則名分蕩然可為痛
心二也犯法不貸牽引不原即大逆不道無以
過之且破一家則耗朝廷一家之供賦殺一人

即傷朝廷一家之培養古人十年生之十年教
之今乃以逃人一事戕之乎可為痛心三也人
情安居何苦相率而逃至三萬之多不以恩義
維繫其心而但以法窮其所往可為痛心者四
也以下省○十二月頒行大清滿字律

十三年正月遣關有才襲定國于南寧又使白
文選徙其主于貴陽未就道而定國已冒大清
旗幟敗關有才于田州遂抵安隆奉桂王赴文
秀于雲南可望聞之大怒○二月鄭成功將北

黃梧來降

犯留其將黃梧守海澄梧以成功用法嚴曾以揭陽之敗斬大將蘓茂遂懼而來降帝封梧海澄公守樟州梧陳勦寇五策一屯沿海以堵登岸二造小舟以圖中左三清叛產以裕招徠四鋤奸商以絕接濟五剗偽墳以泄衆憤○河南空中有聲不絕黑氣大如斗光芒如燈墜于寧陵縣形似石重五十三兩○三月陞大學士馮銓太保致仕銓器識老成贊襄機務裨益弘多帝以力衰難勝繁劇解院事以便頤養也○七

斗
黑氣大如

清國史紀卷之三

三十三

荷蘭朝貢
月命寧海將軍伊爾德率田雄等復克舟山連戰斬阮思等于橫水洋田雄奏言舟山不難于復而難于守請以滿兵駐防增戰艦補水師分汛偵剿○荷蘭國遣使賚書朝貢○九月寧海大將軍伊爾德奏海逆偽總兵王良樹毛光祐等犯大蘭山遣兵敗斬之臣趨定焉遂敗賊于衡水洋口斬賊渠陳六御阮思遂取舟山○十一月鄭成功陷閩安鎮犯福州轉掠浙江温台等郡

清國史紀卷之三

三十三

成功大軍
次羊山

十四年正月明桂王遣使自雲南航海進封成功延平郡王招討大將軍成功分所部為七十鎮設六官理事假永明號便宜封拜遂議大舉入寇以五萬習水戰以五萬習騎射五萬習步擊以萬人來往策應又有鐵人萬披鐵甲繪朱碧彪文峙陣前專斫馬足矢銳不能入時張名振已死張煌言代領其軍為嚮導抵浙陷溫州台州師次羊山相傳山下有龍宮咸戒震驚成功下令各船發礮颶風乍發挾雷電水波起

大舉攻桂王

立碎巨艦數十漂沒士卒數千成功乃旋師○三月奉太祖太宗配享方澤詔求遺書○復至聖先師孔子神位舊稱從吏科給事張文光請也○十月大舉攻桂王兵十餘萬使白文選統諸軍留馮雙禮守貴陽可望率馬進忠賀元儀抵交水三岔河與定國文秀夾水而陣使馬寶由尋甸間道襲桂王于滇城諸將皆不直可望約陣而不戰定國悉精銳突其中堅諸軍皆解甲大呼迎晉王可望大敗走馬寶亦歸于定國文秀文

可望走湖南

選窮追至貴陽馮雙禮亦鼓噪驅之掠其子女金帛以降于滇可望携千餘人走湖南○十一月偽秦王孫可望與李定國相攻不勝率妻子及標下總兵都督等來降封義王○以吳三桂為平西大將軍同都統候黑尔根等侍衛李國翰統兵由四川往貴州進討李定國

親履試舉人

十五年正月親履試丁酉科順天舉人面諭之曰頃因考試不公親加覆問爾其安心毋畏各抒寔學朕非好為此舉欲求真才衆皆頓首稱

張懸錫遺疏

萬歲○二月洪承疇洛託會師常德由靖沅遠抵貴陽馬進忠及各官皆先遁三桂以是春發漢中徇重慶克遵義敗明將劉鎮國獲糧三萬石降兵五千又破楊武于開州○直隸河南山東總督張懸錫至順德府迎義王回館自刎未絕有遺疏畧曰待罪臣張懸錫謹奏臣自蒞任以來失作忠良喜怒不拂民怨是非必告穹蒼意欲平治天下誰知直道難行清白招衆之忌贛直舉國如狂是以滿腔愁鬱因而義節乖張

自知此身必死何如引咎而亡有負天高地厚
從此雲蒼水茫皇王如念臣積勞數歲懷隱中
藏幸赦宥臣眷屬永拜德於泉壤嗚呼異世猶
圖犬馬此生惜別倉皇臣家無擔石貯蓄豈有
良田美地哉蒞任不敢愛地方官一錢以負上
恩惜為人所悞亦天意也○江寧巡撫劉宗韓
疏舉孝子六安州之民張奮志父愈明季任四
川布政司廳因父死于蜀中經兵燹而音問遂
隔絕奮志乃誓死覓父屍跋涉往還兩次亦不

孝子張奮志

中 僵屍立泉

避虎狼于白骨堆裡刺血滴骨而識認遂負其
骸而歸又太湖縣貢生章于國賊陷城母乃溺
死而城之南積屍如山遍覓不能獲因環塘號
泣母僵屍立水中忽作躍狀遂赴水負屍而出
請照例旌表○六月禁京城之北面一帶地方
開窯燒甄以固龍脈○義王孫可望至京○十
二月命大學士巴哈納金之俊等校訂大清律
十六年正月大軍三路入滇城明桂王已西走
永昌洪承疇亦自貴陽赴雲南○二月信郡王

鐸尼復令諸軍進追敗白文選于大理之王龍關定國令總兵靳統武以兵四千扈桂王奔騰越而自伏精兵六千于永昌之磨盤山山在潞江南二十里亦名高黎貢山西南第一穹嶺也鳥道突箐曲通一騎定國度大兵累勝窮追必不戒設柵數重其間竇名望初伏高文貴二伏王壘三伏每伏二千兵約俟大軍至三伏山巔號礮起首尾橫突截攻擊必不使一騎生還大軍筏渡瀾滄江路江逐北數百里無一夫守拒

三伏大敗

信礮失序

謂定國遠奔隊伍散亂上山已萬有二千而降官盧桂生來泄其計則前驅已入二伏諸師急退傳令舍騎而步以礮發其伏敵兵死林箐中者三之一伏起而鏖鬪死者亦三之一定國坐山巔聞信礮失序驚駭忽飛丸落其前擊土滿面乃奔竇名望王壘皆戰死而清軍亦亡都統以下十餘人喪精卒數千窮追至騰越西百二十里中原界盡兵瘴深餉憊懲磨盤山之役不復追降其大臣候伯以下數十○六月鄭成功

鐵鎖橫江

由崇明入江時蘇松提督駐松江江寧提督駐福山今守要害岡山及譚家洲皆設大礮金焦二山皆鐵鎖橫江張煌言屢却不前令人泅水斷鐵索遂乘風潮以十七舟徑進沿江城寨俱潰破瓜州獲提督管效忠圍鎮江五路疊々而陣周麾發礮聲沸江水攻北固土士卒皆下馬死戰官兵退入城成功逐之而入遂陷鎮江屬邑皆下部將甘輝請取揚州斷山東之師據京口斷兩浙之漕嚴扼咽喉號召各郡南畿可不

集六師議親征

戰自困成功不聽○七月直薄金陵而張煌言別領所部由蕪湖進取徽寧諸路時江寧移征雲貴太半西上城大而守備空虛松江提督馬進寶不赴援陰通于寇擁兵觀望成功移檄遠近太平寧國池州等四府三州二十四縣望風納款世祖幸南苑集六師議親征西江總督郎廷佐佯使人通款以緩其攻成功信之按兵儀鳳門外依山為營連亘數里巡撫蔣國柱崇明總兵梁化鳳皆赴援化鳳登高望敵見敵營不

甘輝被執

整樵蘓四出軍士浮後湖而嬉乃率勁騎五百
 夜出神策門先擣白土山破其一營以作士氣
 次日大出師由儀鳳鍾阜二門以三路攻其前
 而騎兵繞出山後夾攻成功令甘輝守營而自
 出江上調舟師諸營見山上旗不動不敢退又
 未奉號令不暇相救遂大潰甘輝被報死化鳳
 復遣兵燒海艘五百餘成功遂以餘艦揚帆出
 海攻崇明不下○十月成功還島而煌言軍遇
 清軍征貴州凱旋兵浮江下亦戰敗走徽寧山

成功手自
擣旗督陣

中是役梁化鳳首功也世祖令圖其貌以進詔
 都統劉之源為鎮海大將軍駐防鎮江以梁化
 鳳提督江南又詔將軍達素總督李率泰分出
 漳州同安合擣廈門以粵東降將為鄉導清兵
 不習海戰暈眩不能軍成功手自擣旗督陣風
 吼浪立清軍退陷于淖遂引還○洪承疇以目
 疾乞休允其回京調治

十七年二月明桂王及李定國走緬甸雲貴蕩
 平命靖南王耿繼茂自廣東移鎮福建成功崎

臺灣為土蕃部族

嶠海上十餘載進取無成乃謀奪臺灣為窟穴
 臺灣為土蕃部族距澎湖約二百里距廈門約
 五百里其山起于鷄籠南盡沙馬碕千里有奇
 惟山西東西面沃野自海至山淺濶相均約各
 百里大於琉球埒于呂宋孤嶼環瀛相錯如繡
 初鄭芝龍據之漸成邑聚時鄭氏投降于清厥
 後荷蘭夷二千踞城中流民數萬散屯城外荷
 蘭專治市舶不斂田賦及茲成功欲奪之諸憚
 其險遠談議不決成功銳意振舵東甲遂行適

成功與荷蘭大戰

其主會計之臣負帑二十萬恐發覺無以償乃
 走投成功請為嚮導成功乃徇曰盍吾鷄首所
 鄉至鹿耳門則水驟漲丈餘大小戰艦橫縱畢
 入紅夷大驚以為自天而下成功以手加額曰
 此天所以哀孤而不委之壑也天赦孤臣必有
 寧宇矣引兵登岸克赤嵌城荷蘭戰不利退保
 王城圍攻半載不下乃塞其水源困之荷蘭遂
 以大船遷國成功既有臺灣與所據金厦二島
 相特角○五月信郡王鐸尼將軍卓布泰先後

班師留滿漢兵數萬及西洋礮以都統伊爾德等分屯要害時桂王已入緬甸李定國白文選今竄孟艮木邦雖有元江土司那嵩叛應之事逾月即殄僅若疥癬世祖置之度外議徹兵節讓而吳三桂貪兵權必欲俘永麻為功○八月遺內大臣公愛星阿為定西將軍征李定國○九月江寧巡撫朱國治疏言鄭逆未靖欲破狡窟先度形勢賊負險坐待我師遠涉風潮其勞逸不同賊衆熟識海險我師弓馬馳聘其素習

朱國治上疏

孫可望卒

不同且我船較之賊艦大小堅軟固懸殊又其攻守器用不同臣謂以守寓戰凡海口多設墩堞列炮礮使賊勢困孤衆必變動乘間攻之則擒魁獻馘下所司議之○十一月義王孫可望卒○十二月議堅壁清野之計下令遷沿海三十里于界內不許商舟漁舟一舫下海民戀生計脅于嚴刑多不願張煌言貽書成功曰弃此十萬生靈不收而爭夷島乎且苟安一隅將來金厦兩門亦不可守也時成功方得臺灣虞紅

夷外闕不暇內顧由是沿海稍息肩

帝殂于養心殿

十八年正月帝大漸丁巳夜殂于養心殿帝冲

齡踐祚續承丕緒當明運衰替四海鼎沸萬姓

阡危之時應天順人百萬虎狼一戰能擒爰定

鼎燕京為天下之主未踰旬月齊秦晉豫傳檄

歸降由是平江淮定楚蜀下浙閩而倥偬之際

篤好儒術建學校是所以德化廣及能閱無前

之輿圖也○二月皇太子玄燁即位時年八歲特命

內大臣索尼等四人為輔臣○三月鄭芝龍并

其子鄭世恩族誅○十月定西將軍內大臣公

愛星阿平定雲南凱旋

清國史略卷二終

官許

明治八年五月三十日
今 九年五月刻成

二編追刻

定價四拾五錢

編輯者

林正躬

名東縣下平民
京都府十二等出仕

上京第廿四區丸太町烏丸西入
常真横町百八十七番地三寄留

京都府下平民

出版人

竹岡文祐

上京第三十區御池寺町西入
大東町三百九十二番地

